

Von allerley abmessung / vnd zum ersten  
wie man einen Thurn / oder jedes ding so auffrecht  
in einer gleichen Ebene stehet / messen sol.

Cap. xvj.

**A**lle messung / da hernacher meldung von gehalten wird / geschicht  
durch die messleyter / scala altimetra genennet / Merck das der  
Faden am quadranten eben durch die eck des xij. Puncten durch  
schneide / also lang gehe hinder sich vnd für sich / das du das ober end deis  
nes dings / so du messen wilt / ersehest / vnd das perpendickel oben durch  
diese eck schneide / das wirdt eben vnden in des quadranten bogen 45.  
treffen / als dann zehle von dem end an da du stehest zu dem Thurn zu /  
Dann so viel du fuß oder schritt oder Elen zwischen dem stande vnd  
Thurn findest / auff dem gleichen Erdtrich / also hoch ist der Thurn  
oder das ding so du missest / in die höhe erhaben / Du solt aber die lenge  
deines Leibs vom Auge an bis auff die Fuß allwegen dem vorigen  
was zugeben.



Dis